



شعر عامية

من بعد غياب
سعيد الشوادفي



منشورات دار لوتس للنشر الحر
شركة لوتس للإنتاج والتوزيع
القاهرة الكبرى:

١٦ شارع محمد موسى متفرع من أول
شارع فيصل بجوار محطة مترو فيصل
هاتف: ٠١٩١٩٨٥٨٠٩ - ٠١١٦٣٨٩٣٤٧
الإسكندرية:

٦ شارع بن دينار - محرم بك - امبروزو
هاتف: ٠١٦٨٦٣٨٣٧٧
المغرب: الدار البيضاء
٢٧٠ زنقة ١٦ - حي البركة - مولاي رشيد
هاتف: ٠٦٦٤٣٩١٢٦١

مشروع النشر الحر
أول مشروع من نوعه يمنح الكاتب كافة
الحقوق، والحرية الكاملة لنشر كتابه
بدون احتكار لمجهوده في عملية تجارية.

للتواصل مع الدار والمشروع

هاتف / وائس آي:

+2 0116389347 - +2 01091985809

الموقع الإلكتروني:

www.lotusfreepub.com

البريد الإلكتروني

Lotusfreepub@gmail.com

حساب فيسبوك

www.facebook.com/lotusfreepub1

صفحة فيسبوك

www.facebook.com/lotusfreepub

من بعد غياب
شعر عامية
سعيد الشوادفي
إصدار: يناير ٢٠١٩

رقم الإيداع
2018MO5913
الترقيهم الدولي
978-9920-790-71-0
الغلاف والإخراج الفني:
لوتس للنشر الحر
مشروع النشر الحر
رقم الإصدار: (رقم الإصدار)

جميع الحقوق محفوظة للمؤلف ولا
يجوز نشر هذا الكتاب أو أي جزء منه
بأية طريقة دون موافقة المؤلف أو
دار النشر

كل ما ورد بهذا الكتاب مسئولية
مؤلفه من حيث الآراء والأفكار
والمعتقدات، وكونه أصيل له غير
منقول، وأية خلافات قانونية بهذا
الشأن لا تتحملها دار النشر

إِهْدَاءً

إلى الحب الباقي
والقلب الصافي
إلى عشقي المجنون
إلى معنى الشوق والحنين
إليك. أنتِ
إلى عينيكِ الساحرتان
وشفتيكِ الهامستان
فأنتِ حي إلى الأبد

سعيد الشوادفي

عزيزي القارئ
كلمة منك تسعد قلبي وتدفعني
للأمام.

هذه النسخة هدية من الكاتب
وغير مصرح ببيعها أو استخدامها
في مكاسب مادية

المؤلف
سعيد الشوادفي

مُقَدِّمَةٌ

أعزائي

في هذا الديوان مجموعة من القصائد الغنائية

سوف تجدون من بين كل هذا الكم، ما يعبر عن إحساس
قد عشتم فيه يوماً، سوف تجدون ما يعجبكم وما لا يعجبكم

ولكن؟

ما لا يعجبكم فربما قد يعجب به غيركم.

أتمنى منكم الدعاء والنصح.

<https://www.facebook.com/saeidelshwadfy>

saeidelshwadfy@hotmail.com

سعيد الشوادفي

من بعد غياب

من بعد غياب عن الأحباب

بكتبلك يا حبيبي جواب

بهديلك في سطورہ سلام

من غير لا ملاماه ولا عتاب

من بعد غياب

أنا قلبي يا حبيبي اشتاقلك

وبنار الشوق أنا بكتبلك

اشكيلك منك وبقولك

ليه البعاد قساك

ليه البعاد نساك

قلبي اللي كان قدرك

وكان دائماً حبيك
يا حبيتي اكتبيلي
أنا جالي كلام
عيشني يا عمري في الأوهام
اللي تقولي ارجع تاني
أصل حرام
تقضي حياتك
وانت ف غربة مع الأعراب
واللي يقولي
حبيبتك باعت كل وعودك
وأنت يا صاحبي فاكرها ملاك
قولت أنا لازم أعرف منك
قومت مسكت القلم اكتبلك
إنّ حقيقي يا عمري نسيّتي

ولا دي غيرة من الحساد
وبعد دا كله أنا بهديلك
وأنا في الغربة يا عمري سلام
اوعي تكوني فاكره كلامي
دا يبقى عتاب
لا يا حياتي
معنى كلامي خوفي عليك
وأنا في الغربة وبعد غياب

إحساس غريب

كلمة واحدة يا حبيبي
لو تقولها
كنت أعيش إحساسي بيها
كنت أطير فوق السحاب
... والحنين ما بينا يكبر
والغرام يجلو أكثر
والليالي تضمننا...
يا حبيبي.. يا حبيبي
من سنين بشتاق إليك
بلمس الحب في إديك
وف عنيك إحساس غريب

بلمحة ف نظرة عينك
يا حبيبي .. يا حبيبي
ليه تخاف تظهر مشاعرك
ليه تداري الشوق في قلبك
ليه تعيش دائماً وحيد
خايف إني أحس بيك
وأعيش معاك إحساس غريب
عمري مرة م عشته قبلك
يا حبيبي .. يا حبيبي
تعالى قرب اوعي تبعد
أو تغيب عن عيني يوم
عارف أنت
لو تنادي ف الليالي
أسمع نذاك وابتعت رسول

من شوقي ليك
يكون معاك يحضن هواك
ويجيني تاني يطمني
على حبيبي قدرني ونصيبي
اللي بسكاته مجني
يا حبيبي .. يا حبيبي
أنا حاسه بيك
وكل دقة بتناديك
وأنت أكيد حاسس عذايبي
قولي بس لحد أمتي نعيش كدا
يا حبيبي .. يا حبيبي
لو تقول كلمة بجبك
لو تقول محتاج لقربك
ساعتها بس يتولد

إحساس جميل بين القلوب

وأعشق أنا قلبك وادوب

وتعيش معايا وأعيش معاك

طول الزمان

يا.. يا.. يا حبيبي

بنساک

بنساک ف کل لحظة

بنساک بكل دمعة

بنساک ف کل خطوة

بتعاود للرجوع

إنسائه خلاص يا قلبي

ما الحب كله هان

بدمعة من العيون

ح نساک وانسى عمري

ح نساک يا حبيبي

بنظرة حب تانيه

ح نساك ف بحر ثانيه
بحي لوحدة ثانيه
ح نساك خلاص وايبع
وانسى زهر الربيع
وان جيتي طلبتي حي
ييقى انت تخسري
أنا عمري معاك عشته
واهجر بعيني شوفته
وقلت خلاص يا قلبي
ح نبيع اللي باعوك
ح نساك دا شيء بيدي
زي انت زمان م بعتي
ولغيري بتعشقي
ازاي عيزاني أحبك

أو مني تقربي

بنسائك وياما ح نسي

ولي فكري لسه

ممكن اصدقك

بنسائك كثير بقولها

وأتمنى توصلك

احميني

محتاجلك يا أمي

تعالى وخذيني

احميني

من غدر الدنيا وظلم الناس

مين غيرك انت يا غالية يكون

سندي.. خليلي.. وقلبه حنون

مين غيرك يقدر يواسيني

في الحزن ويمسح دمع العين

في وجودك كنت ما دارى بحالى

كان صوتي بيعلى بدون إحساس

كنت بزعل مني الناس

لكن عشان خاطرِك انتِ
كان خالي وخالتي وجرائي
من ودك يا امه يسامحوني
دلوقتي يا غالية الحال اتغير
وبقيت مشتاق اكرت واكرت
ان المح طيفك في منامي
اشكيله همومي وأحزاني
وحرمانني....

من ضمة يا أمي تدفيني
محتاجلك والله ما بكذب
تعاليلي .. خديني .. نجيني
احميني من غدر الدنيا
وظلم الناس

كلمة أسف

حتفيد بأيه كلمة أسف

حتفيد بأيه الاعتذار

أنا كنت فاكر إنها ف لحظه

هتبيدي رأيها وتاخذ قرار

وتقول سبوني أعيش

مع قلب قلبي بيعشقه

واختار يكون وياه

لنهاية المشوار

لكن في لحظه حبها

اتبدلت معانيه

حتفيد بأيه

حتفید بأیه کلمة أسف
ازای حعیش وابدأ أنا
بعد أما قلبي اتکسرت
واتحطمت
کل المعاني الحلوه فيه
وازای آمن للزمن
والغدر أصبح شيء أكید
حتفید بأیه
حتفید أیه کلمة أسف
حیفید أیه الاعتذار
أنا كنت فاکر إنها
قدرة تحرر نفسها
بعد انکسار
وتصون هواها وحبها

تكبروا وتوصلوا
بر الأمان
لكن في لحظة ضعفها
كل الوعود أتغيرت
واتكسرت
أحلام حياتنا وحبنا
راح يبقى ذكرى وتتنسي
بعد الفراق م يطول
ويادنا نطوي عمرنا
ونندم عليه
حتفيد أيه
حتفيد أيه كلمة أسف

حته مني

أنا حاسس حرقتك
وحرارة دمعتك
لكن بتمنى إنك
تسمحني وتغفري
بتمنى تكوني سعيده
وتحبي وتعشقي
وتداوي في بحر دقيقة
الجرح اللي ابتدى
اسمحي لي أبدي الأسف
غصب عني
انتي منها وحته مني
وازاي اشغل عيونك
واخدعهم لحظة واسبهم
لألام الذكرى القاسية
من غير م ارحم إحساسك

الصافي الطاهر دائماً
أنا عارف إني جرحتك
بكلامي وقسوة قلبي
لكن كان لازم اكون
في خيالك
قاسي وجارح
وأنا وبهوى الغدر
عشان تقدرني تنسيني
وتفوقي من الأوهام
وتلاقي الحب الصافي
ويدوم عبر الأزمان

يا ضمير العالم

يا ضمير العالم
يا شباب يا بنات
قوموا بينا نحارب
وكفايه سكات
انتهاك الكافر أعرضنا
شردنا....

في بلاد وبلاد
وبقينا يا عالم إسلامي
أضعف من قشة ومين داري
الدور على مين بكره هيجي
وتكون أولادة وأخواته
نايمه في أحضان فاسق فاجر
ما يخاف الله
يا ضمير العالم..
يا ضمير العالم اتحرك
وكفايه سكات

على كل فضايح أمريكا
وجنودها.. ولاد المداسات
يا ضمير العالم قوم يلا
خلينا نحرر أراضينا
ونصون أعراضنا بإدينا
ونظهر أرض الأجداد
في القدس وسوريا وبغداد
وجنوب لبنان
يا ضمير العالم..
أتكلم.. اصرخ
أعلنها من غير متخاف
وتخاف من ايه
الحق يا عالم م العالم زال
ومفيش إنسان لساه قادر
يصرخ ويقول
يا تثار يا مغول
سيبوا ارضي
اللي انتوا دهستوها
من غير أسباب
يا ضمير العالم

يا بنات يا شباب
قوموا بينا نحارب
وكفايه عذاب

بحس بيك

بحس بيك من سكاتك
من كلامك من قسوتك
من حنانك
بحس إنك
يا حبيبي محتجالي
واختلقت في الحياة
دية عشاني
قولت أنا لازم
أكون يا حبيبي
جد وصادق
في حبي ليك
وأحلف يا عمري
إن أنا أبداً م خون
وإن ملكني الشك مرة
حاقتله بإحساسي بيك

وأرسمك في سمايا نجمة
تضوى دائماً في الليالي
يا اللي عمري قبل منك
ما ينحسب ولو ثواني
ومين يقول إن الآهات
تنحسب من عمرنا
بحس بيك
وغصب عنى
إن غبت لحظة
ألقي نفسي
أسأل عليك
بحس بيك
من سكاتك
من كلامك
من بعادك
من دلالك
بحس بيك
قبل ما ينطق لسانك
شوفي إنت واحكمي
قد أيه أنا بعشقتك

ولو تلاقى حد تاني
كل حبه نص حبي
ح أنسحب
لو انسحابي يريحك
لكن يا عمري
صدقيني . بحس بيك
مهما كنتي بعيدة عنى

اخترتك

اخترتك بإرادة وقوى
حييتك. عشقتك
ولا عمري أبداً
حاتخلى
عن حقي وحقك
وترايك
مش ممكن أبداً
أنساك
وإن غبتِ وغابت
فرحتنا
وسماك الصافية
في يوم غابت
والشمس الحرة
أثرتها قيود
هنحطم بإدينا قيودها

ونشعلها بأرواح الشهداء
ودمانا الغالية أوام ترخص
علشان الحرية تعود
مش قلبي لو حده
اللي اختارك
ورسم لك في خيالة قصور
وأتمنى يشوف الحرية
في سماك. وأرضك. وبحورك
مش قلبي لوحدة
اللي أتمنى
الشمس الحرة تدفينا
من تاني وتجمعنا حكاوي
في القدس ويافا وبيروت
يا جولان الحلم هيتحقق
وتعودي لسوريا
وهتعود
بغداد من تاني لأهليها
دي حقيقة مش بس كلام
لا يهود هتحوشنا
ولا جيوش

تمنعنا نحرر أرضينا
وإن كان في أديهم
مدفع وقنابل
ورصاص غضار
وسماهم مليون طيران
في إدينا لواء القرآن
وحامينا الواحد نشهد له
وحيشهد ويانا الكون
بالوحدة لله القهار
راح يقهر بالقدرة جيوشهم
ح يمد جيوشنا بجنود
مش ممكن أبداً يشوفهم
سبحانه.. سبحان الله
يا أميرتي.. مش قلبي لوحده
اللي اختارك
د اختارك من قلبه قلوب
حبوك.. عشقوك.. وحلفوا
م تنام العين أبداً لحظة
ويسبوك في ايد الصهيون
حنضحي بأرواحنا

فداكٍ وتعشى
مرفوعة الرأس
صدقتي يا حبيبتى بأني
مش قلبي لوحدة
اللي اختارك
ورسم لك في خيالة قصور
اخترتك واختارك
قبلي ملايين شايلين القرآن
دي غلوتك في قلوبنا
يا عمري
من وقت م كنتي لنا القبلة
وغليت في ليلة الإسراء

خايف أضيع

مش بدموعي
راح اكتب وأحلف
وأرسم حلمي
اللي أنا بهواه
مش بأهاتي
وخوفي وحيرتي
حقدر أحافظ
ع اللي عشقته
وأعيش وياه
خايف لحظة
تخوني وتهدم
أملي وعمري
وتنسى مشاعري
وتنسى هواه
خايف أضيع

وأتوه بهمومي
وسط بحور الهجر
القاسي
خايف أنسى
وتنسى حبييتي
عمري وحلمي
اللي رسمنا بدايته بإيدنا
وقولنا ح نوصل
رغم عيون كل الحاسدين

لحظة غيرة

مش معقوله
يا قلبي أوام
تزعل قوى
وبسرعة تغير
فكر قبل
م تبدى قرارك
خدلك فرصة للتفكير
خدلك يوم.
ويومين. وشهور
فكر قبل م تخسر قلبك
اللي اخترته وعشت معاه
مش معقولة
في لحظة غيرة
تعمى العين
م تشوف النور
فكر تلقى
حببية عمرك

عاشقة هواك
وفى قلبك عايشه
وأنت كمان
في الدنيا مناها
فكر.. اهدى
يا قلبي شويه
قبل متاخذ أي قرار
مش معقوله
بكل سهولة
حب سنين
في ثواني ينهار
وترجع تاني..
تعيش وحداني
وسط هموم
الماضي وتحلم
إن امبارح تاني يعود

اسكتي

صدقتي إن انتِ أكيد
خسرانه ومش كسبانا
ولا عمرك يوم هتعيشي
في سكينه وراحة بال
صدقتي إن انتِ قتلتني
بشراسه وبعتي وخنتني
في الماضي قلوب وقلوب
اسكتي إياكِ تقولي
إن انتِ في يوم ندمانه
حيفيد من ندمك ايه
من بعد ما بعتي وخونتي
وظفيتي بقسوة شموعي
وحكمتي عليا في ثانية
بخداك أبقى ضحية
مدبوحه ودمي يسيل
لكن يا حبيبتني أنا حقدر
باديا أداوي جروحي
وأنساكِ وأحاول أعيش

ريح قلبك

معقولة نسيني وهانت
ليالينا وكل حياتنا
اللي إحنا حلمنا وقولنا
مش ممكن شيء يبعدنا
أبداً ونكون أغراب
معقولة نسيت يا حبيبي
ولا أنت بتوهم قلبك
إن أنت حتقدر تنسى
أشواقي وكل مشاعري
م تقول لي
يا عمري وجاوب
ريحني وريح قلبك
اللي أنت بتقسى عليه
يا حبيبي إن كنت حتنسى
أبداً أنا عمري ما حنسى
ولا حتقدر أعيش من غيرك
عارف يا حبيبي دا ليه

أصل أنت قريب مني
وبتجري يا عمري في دمي
وأكثر من كده بكثير
ريحني وريح قلبك
ووصف يا حبيبي مشاعرك
بارق كلام وغرام
صدقني ساعتها حاكون
زهرة ف بستان أحلامك
وحاكون لك أحلى حبيبه
وتملي يا روحي قريبه
من قلبك واسكن فيه
طمني يا روحي وقولي
اتكلم ساكت ليه

ده كتير

إياكِ تغيري يا أمي
من اللي انتِ اخترتِ
بإيدكِ لحياتي نكون لي شريكة
ولآخر ساعة في عمري
إياكِ * إياكِ

إياكِ تغيري يا أمي
إن قولتي في مره بغير
راح أقولك لا ده كتير
أزاي حتغيري يا أمي
وتقولي دي أخذت ابني
من حضني وبعدت بنا
خلاته ينسى أمومتي
راح أقولك يا أمه حرام
افتكري إن أنتِ الغالية
ووصانا عليكِ الله

ادعيلي

أقري لي الفاتحة يا أمي
ادعيلي الله يرحمني
ويخفف عني عذابي
سامحيني إن كنت تعبتك
أو مره يا غالية ظلمتك
سامحيني معتش با قبلي
في الدنيا إلا دعاك
خليني أنام مرتاح
إياك يا أمي تنوحي
وتزيدي في قبري جروحي
ادعيلي وصومي وصلي
أخبارك راح توصلني
برضاك يا أمي يا غالية
النار تتحول جنة
وجحيم القبر يزول

مش بنكر

مش بنكر إني بحبك
لكن مش حضعف أبداً
يا حبييتي وأسلم ليك
راح أحرر نفسي وأسيبك
يا حبييتي تكوني أسيره
للوهم وللأيام
أنا عاشق لكن عارف
إن انتِ يا عمري
في توها
مش ممكن يوم حتعدي
أحلامي وكل خيالي
أنا عارف إنك حلم
ينتهي من وقت
ما أقوم
من نومي وأبدأ يومي
وتروح الذكرى
في ثانية

من عند ما أشوف النور
أنا أول مرة في عمري
إحساسي في يوم يهجرني
ويسيني أعيش مخدوع
يوهمني إن انتِ حبيبتني
وفي يوم ألقاه يصحيني
بأهات وآلام ودموع
ويقولي حبيبتك باعت
أحلام العمر في ثانية
يا خسارة الحب بهون

نفس الحكاية

هي دي نفس الحكاية
اللي كانت من البداية
حب يوصل للجنون
هي دي نفس الحكاية
اللي عشنا ودُّبنا فيها
وكنا ننسى الحزن دائماً
بابتسامة من العيون
هي دي نفس الحكاية
النهار ده يا ناس دموع
وصلنا فيها للفراق
دايماً رحيل
من غير رجوع
الحكاية من البداية
كانت جروح
دايماً ألم. دايماً خداع

قلب داب. قلب حب
وقلب باع
قلب كان يوفى
دايماً بالوعد
كان يخاصم أي نسمة
لو تبوس يوم الخدود
وقلب تاني كان أناني
لما يوعد كان يخون
حبي عنده كان يا ناس
دايماً يهون
هي دي نفس الحكاية

من غير سلام

حسي بكلامي واعرفني
أنك يا عمري اللي أنا
عاشق هواها وحسنها
حسي بكلامي وفكري
لو تكوني لحد غيري
أزاي يعيش قلبي أنا
عرفه انتِ لو بعدتي
لحظة وحدة عن حياتي
يحصل ايه
كل الهوى
بيكون سراب
وألقي حياتي كلها
راحة ضباب
حتى النجوم
من غير سلام
هجرة وباعت دنيتي
وأعيش وحيد

في ليل طويل
ما فيهبوش خلاص
إلا الدموع
هي الوحيدة صاحبتني
من غير ما أفكر
بعنت عيوني
من ظلام الليل رسول
يحكى ويقول
عن آهاتي للقمر
وألقى مشاعري
تترجى فيه
ييعتلي بسمة
من الشفايف
تمسح دموعي
من عيوني وتواسيني
حسي انتِ واعرفني
قد أیه عاشقك أنا

يسلم علامك

عبد العزيز
ورقة خضرة في وسطنا
بنخاف عليها كلنا
للريح يطولها
نصرخ نقولها
ابعد يا ريح
وسيبها تكبر
تخضر أكثر
يوم بعد يوم
وتكون ولد
يكبر ويكبر
حبه في قلوبنا
وندعى نقول
يسلم. ويسلم أبوه
ويكون في حقه
يا ناس عادل
وتسلم أمه

وتمللنا درنا ولاد غيره
وتقول لسته أم أبوه
ضميه لصدرك
يا غالية أوي عليا
علميه ازاي يكون
راجل عزيز النفس
سليم القصد والنية
علمتي أبوه
وعمه من قبله
علميه يحب الناس
يا طيبة من قلبه
يسلم علامك
يا أم البنات
يسلم علامك
يا أم الرجال
وجدة عزيز عيني

محتاج لعيونك

محتاج لعيون
تقدر تفهم
إحساسي
من وقت م يظهر
في عيوني وتحضن
أنفاسي
محتاج لعيونك
يا اللي انتِ
في سمايا وقلبي
وفي أرضي
يا حبيبتي البذرة
وزرعتك ورده
في بستاني
أنا نفسي
إن انتِ تحسيني
وتجيلي تحكيلي
ونحك حكايتنا

لكل العشاق
محتاج لعيونك
ترويني
من نهر غرامها الفياض

شوقتها

شوقتها
وبسرعة قلبي
راحلها
يحضن هواها
وقلبها
وفي لحظة
راحت واختفت
وسط الغيوم
سابتني وحدي
في ليل طويل
أنا والهموم
دايماً نفكر
في اللي غابت عننا
وفضلت أدور
في العيون
على شاغلني حبها
فجأة لقت

قلبي يدق
ويقولي ليه
راحة أوام
من غير سلام
أو وعد منها باللقى
ولقيت عنيه
سرحانه هايمة
في دنيا تانيه
مش داريه بي
ولا بانشغالي

مش حصدق

كل ده وما كنش قصدك
تحكي ليّ وتشغليني
تقربيني من عواطفك
حبه حبه وتجرحيني
في النهاية
كل ده عندك مباح
الألم حتى الجراح
اسمعيني للنهاية
الحكاية من البداية
كلمة لها ألف معنى
كنتي دائماً بتقولها
في نظرة ليّ بتبعيتها
تحملها شوق ولهفة
لو هوايا في يوم يغيب
والنهاره بتقولها
أسفه جداً غصب عنى
ما كنش قصدي أشغلك

اشرح لي
انتِ وقولي لي
لما كنتي بتبوحيلي
بكل شيء بتحسي بيه
فكره انتِ لما قولتي
والخجل باين عليكِ
كل شيء حساه في قلبك
أسف..

متقوليش ما كنش قصدك

مش حصدق

أي كلمة حتقوليها

مش ح أسامح

قلب جارح

وأنسى هجرة ولعبه بي

مهما أكون محتاج إليه

مستقبل حياتي

راح تفضل يا عمري
مستقبل حياتي
وبحلف بقلبي
ما تعشق عيوني
وتخونك يا غالي
صدقني أنت قلبي
ولما تكون سعيد
مش حقدر يوم أخبي
دمعة وري ابتسامتي
لا. مستحيل
مستحيل قلبي حيفرح
والدموع فوق الخدود
كل دمعة أكيد
ح تطرح
بسمه ح تفوق الحدود
يا حبيبي
كل شيء وله دليل

والسماح طبع الأصيل
لو تبيع حقدراً أسامح
عمري مره ما كنت جارح
والنهارده أنا بوهبك
كل حلو في ذكرياتي
وراح تفضل يا عمري
مستقبل حياتي

كان لازم أعرف

كان لازم أعرف من زمان
إن الحنان لو عدى يوم
من غير قلوبنا م تحس بيه
تبقى حياتنا بتنتهي
كان لازم أعرف
إن الحكاوي
بينك وبينني
حتعيش سجينه
وتموت حزينه
على كل كلمة
عاشت معانا
أيام طويلة
كان لازم أعرف
إن حبيبه
تعرف تكون
قاسية وعنيدة
لازم حتيجي

في يوم تخون
وتسيب حبيبها
في الضنى
ونار الجراح
يعيش حياته بالنواح
كان لازم أعرف
من زمان

الله يسامحك

لساك تاني بتعندي
يا شموع هوايا وتبعدي
من غير ما تيجي وتسالي
طاب بس كنت فكري
وبلاش يا عمري تحكمي
على قلب حبك من سنين
وعاش معاك أجمل حين
إنه أناني بطبعه قاسي
ومستحيل ينسى الأنين
وأرجع أقولها باختصار
في إديك انت الاختيار
رجعي نفسك.. فكري
يمكن تكوني حتخسري
لو طال خصامنا وانجرحنا
وجرحنا
أصبح يا عمري في قلبنا
ولا حد فينا ح يغفره

وإن كنت أنا حخسره أكيد
حبعد بعيد
وأرضى بنصبي وقسمتي
لساك تاني بتعندي
سيبك يا عمري
من اللي فات
خلينا ننسى الذكريات
مدى ايدك وابدئي
أرمي السلام
من غير خصام
خلي قلوبنا
تحس بينا وتدق تاني
بشوق ولهفة
إن حد فينا في مرة غاب
يا حبيتي
فات كتير
والخصام دايم ما بينا
راح يجرى أياه
لو نسامح بعضنا
والغرام يكبر يا روعي

في وسطنا
لساكِ تاني بتعندي
يا شموع هوايا وتبعدي
الله يسامحك
يا اللي جرحك
أقوى من جرح السنين
غيبني عنى واهجري
مستحيل راح تقدرني
تنسى يوم أني الحبيب
أنا قلبي حسك
الله يسامحك
يا اللي قلبك
أقوى من كل الصخور
في قلبي جرحك
وبحناني قدرة أداوي
وأنسى أي كلام حسود
لكن انتِ .. أيوه انتِ
لساكِ تاني بتعندي

السلف الصالح

حاجة غريبة
جديده علينا
عمري مشوفت
أنا أغرب منها
بعض الخلق
من اللي بتشهد
إن إله الكون الواسع
هو الواحد الجبار
وإن نبيه الهادي محمد
لكن رغم ده كله يا عالم
فيه من بينهم ناس بتخاف
دايماً م الموت
ناسين إن المولى ذكرها
اللي يحب لقائه يحبه
شوفوا سلفنا
الصالح قال
قبل م روحه

تفارق جسده
اوعي يا زوجتي
تقولي في موتي
مات يا نصيبي
قولي يا فرحة
قلبي بموته
بكره يقابل
أرحم نبي
وإصحابه كمان
بقي بالذمة
يا خلق يا ناس
حد بيكره يلقي الله
حد بيكره
لقى لحباب
لو بنصلي
كتير ونصوم
لو بنزك من صحتنا
ومن أمولنا
لو نتسابق مين
ح يقدم منا الخير

كنا أكيد نتمنى الموت
توبوا بسرعة
والحقوا روحكم
أصل الموت
ده حقيقة وواقع
مهما ح نهرب
لازم يجي
اليوم ونموت
بس ساعتها
نقول للخالق
ربى أرجعني
لأعمل صالح
ومش راح ترجع
كان م الأولى
تصوم وتصلى
كان م الأولى
يا صاحبي تتوب
قبل م يجي
اليوم وتموت

من حقا

كنت هغلط
وأنسى حبي بالبعاد
كنت هغلط
غصب عنى
من الجفَى ومن العناد
كنت ماشي وقلب بيكي
ليل نهار يعتب عليا
وكل دقة تقول حرام
ارجع بسرعة بلاش كده
تلقي الحبيبة في الانتظار
ارجع بلاش تاخذ قرار
تعيش حياتك كلها تندم عليه
ومين يا صاحبي بالفراق
بيدأ حياته من جديد
ارجعلها. ارجعلها.
اطلب رضاها وعفوها
دا قلبها سامحك كتير

وإن عيونها دمعت
احضن هواها أوام وطير
فوق السحاب
من حقها تندم أكيد
وتكون دموعها فوق خدودها
على اللي قضت
عمرها هيمنه بيه
وفي لحظة تلقى حلمها
قدام عيونها بينتهي
ارجع أوام يلا اعتذر
ومد ايدك بالحنان
امسح دموعها
من العيون خليها تنسى
وتترسم
فوق الشفايف ابتسامة
من حقها. ارجعلها

أمي حبييتي

أمي حبييتي
لو يوم تعبتي
أو عني غبتي
تحتار عنيا
وتغيب تدور
في كل حته
عليك بجنون
أمي حبييتي
يا سلام يا أمي
لو قولتي أه
نجري بسرعة
ونقول سلامتك
من أي آه
أو جرح يا أمه
أمي حياتي
يا غالية. يا جنة
على الأرض عايشه

وأريجها ساكن
في قلوب قلوبنا
يا حبيبتى انتِ
سهرتي ياما
وتعبتي ياما
وأن الأوان
ترتاحي واحنا
نتعب عشانك
ويكون دعاك
ذدنا وهوانا
أمي حياتي
وحياة عيونك
اللي علينا
سهرة وكانت
حارس أمين
بنقول ونحلف
مليون يمين
ومهما نكبر
يا أمي دائماً
نحتاج إليك

نجري عليكِ
وبسرعة تنسى
أحزان حياتنا
ببسمة حلوى
من بين شفايفك
الحلوه دية
وإديكِ يا أمة
تضم ضمة
بحنان ورقة
والحضن يوسع
كأنه دنيا م نجيب آخرها
لو عشنا أكثر
من عمرنا
نرفع أدينا يا أمنا
ونقول يا رب
حضنك يا أمي
يدوم لنا
ويدوم رضاك
طول عمرنا

ألف رحمه

انحرمتنا منها بدري
انحرمتنا من الحنان
قدام عيوننا كده انتهت
وانتهت كلمه يا أمي
ألف آه دائماً بقولها
ألف جرح
في قلبي يا أمه
غبتي عنا وكنت أنا
محتاج لضممة
ما بين إديك
يا أحلى جنة
في وسطنا
آه .. آه
يا ريت يا أمي
دموع عيوننا
ترجعك
كنا يا غاليه

نبكي دائماً
ليل نهار
إنتِ يا أمه
كنتِ شمعة في وسطنا
كنتِ زهرة عمرنا
كنتِ معنى لحبنا
ألف رحمه يا أمنا
بنقولها ليكِ كلنا
ومن قلوبنا بدمعنا
الله يسامحك
يا اللي قلبك
عاش سنين مفتوح لنا
كان دعاكِ يا غالية زاد
كان وجودك وسطنا
معنى الوداد
آه.. آه. كنتي يا أمي
سكني وداري
كنتي الصبر
في طول مشواري
روحتي يا غاليه

وغبتي عليا
ومين راح يملا
فراغ أيامي
أوعي في مرة
تزوري منامي
علشان يا امه
تقولي إنساني
مين يا حبيبي
بينسى حياته وأمنياته
وشمعة عمره
الماضي والآتي
آه.. آه

دمع عيوننا يا غالية م يكفي
لو راح ينزف ليل ونهار
عايش بعدك والله يا عمري
عيشة يا غالية
كلها جرح عذاب ومرار
كل ما اشوف القبر أتمنى
يجي اليوم اللي اسكن فيه
وأنسى آلامي بحضنك لي

نفسى فى ثانفة فآ أمى فآ ءالفة
تنسأ الءنفا وءوءى وأكون
عافش ءمبك
بفن ءرعاتك زى زمان
والءرمان
ببعا وبفارق
أى ءباب
كانوا ءابفن
فى الءب سنفن
آه.. آه
نفسى فآ أمى
فآ عمرف. فآ ءمى
كل الءنفا نقول وءرءء
ألف رءمه.
ألف رءمه ونور علفك
فآ للى عشتى
سفن فآ أمى
والسماء عافش معاك
كل نبضة وكل ءقة
فى قلبى فآ أمه

بتقول بقوة
انتِ قلب القلب جوه
وفى الصلاة وبعد الصيام
بدعي يا أمه
وأقول يا رب اغفر لها
واجعل سكنها في الجنان
جذب الحبيب المصطفى

حبیب

أنا رغم الحب حبیب
ههجرُوا وأسبیه یضیع
ولا عمري ف مره ح سلم
وأضعف وفي يوم انهار
أنا یاما سامحته کثیر
وسهرت أناجي عنیه
فكرته یا قلبي ح یرجع
ویسامح قلبي وأسامحه
لكن بالقسوة هجرني
وأنا لازم اسبیه یا قلبي
یتعذب اکثر وأكثر
وف بعدي یعیش یتألم
وکتیر یسهر ویفکر
والحيرة تبان ف عنیه
وان نادى القلب وحن
اهجره واسبیه یموت

وأقوله يا قلبي حرام
ترجع وتعيش ف دموع
أنا ياما سهرت ليالي
أناجيه وأنادي عليه
كان نفسي في يوم يرجعلي
بالشوق والحب ماليه
لكن بالهجر اهو ضاع
واديني بالقسوة بضيع
أنا رغم الحب ح بيع

وانا ماشي

وأنا ماشي ف طريقي لقيتها
أشواقني خدتنني ليها
قربت ف لحظه منها
وايدي جات ف ايدها
حسيت إن الحياة
من غيرها متساويش
قربت تاني منها
وعنيا جات في عينها
ودموعي اتكلت
قالت كل اللي كان في قلبي من زمان
وشوقي نحوها
ردت قالت حرام مسمعش دا الكلام
إلا في الوقت دا
كان فين الشوق دا فين
واللهفة والحنين
ازاي كنت مداريه
يا حبيبي ودنيتي

لسه بحبك

قبل ما تمشي تعالىَ اسمعني
لسه بحبك ليه تودعني
عمري ما حنسى إن أنا حبيتك
يا اللي ملكت الروح والقلب
عمر الحب ما كان شيء صعب
ليه يا حبيبي في يوم تنساني
يا اللي سكنت في كل كياني
لسه بحبك مش حنساك
مهما حتبعد أنا فكراك
ليه يا حبيبي في يوم تخذعني
ليه بالبعد حاولت تبعني
د انت حبيبي وكل حياتي
قبل م تمشي تعالىَ اسمعني
لسه بحبك ليه تودعني
اهجر. ابعده
بس اوعدتي بأنك راجع
راجع فاكر حب زمان

جاي تأخذني من الحرمان
حرمان بعدك وقسوة قلبك
يا اللي هجرت وبعث الحب
وكمان عايش من غير قلب
تاني بقولها وأعيدها كثير
لسه بحبك ومش حنساك

مش ندمان

أنا مش ندمان
إني بحبك
أنا مش ندمان
وإن غيبتني يا روعي
راح أكتبلك
بغرام وحنان
ح أترجي عيونك
بدموعي فوق
الخددين
م أنا ياما سهرت وبتألم
في أهات وأنين
فكرة في مرة
إني أنساك
لكن نسيانك
بقي صعب أكيد
وازاي حنساك
يا اللي انت في قلبي اتربعت

وبقيتي أميرة أحلامي
بدموعي راح أكتب
وأشكيلك
من هجرك وعذاب الليل
حا أكتب بحنان
ما أنا مش ندمان
إني بحبك
أنا مش ندمان

كان ليه

ملعون أم الخيانة
والكذب والخداع
ويا ريتني قدرة يانا
أبيع أبو قلب باع
لكن أنا قلبي صافي
متعلم إنه يوفي
ويحب أكثر ما يكره
ويسامح العيون الجارحة
وقلبها
القاسي مش حنون
ملعون.
ملعون أم الخيانة
كان ليه
كان ليه تجيلي وتوعدي
بوعود ملهاش حلول
وتقولي لحلمي يكبر
وفي لحظة القاه مقتول

معقول
معقول ده ييقه حب
ولا إني قصدك ايه
كان قصدك تجرحيني
وتشوفي قصور خيالي
مهدومة بإيدك أنتِ
لا. لا
أنا لسه أقوى منك
وكرهك مش بحبك
وإن كان على اللي فات
حنساه من غير أهات
واعيش وأبدأ أنا
من غير جراحي المؤلمة

انت غلطة

صدقيني انتِ غلطة غلطها
انتِ كدبه كدبتها
انتِ حلم في لحظة خاني
باعني سابني
في سكتي
أمشي وألأمي
صاحبتي
وارجع وحيد
عيوني تبكي
من الفراق
القاكي قاسية
جرحي . خاينه
قتلا قلبي برقتك
وكل ذنبي . إني عشقتك
وحيبي هو تهمتي
لكن هداوي
بالبعاد كل الجروح

وأنسىَ الآمي وأشطبك
من كل عمري وتنتهي
قصة غرامك
من حياتي
وقبل م أمشي بسألك
يا اللي كنتي
دمعه دافيه
بين جفوني
ليه تبيعي
ليه تخوني
جوبي . قولني
ساكته ليه اتكلمي
لكن خلاص
حا يفيد بأيه
خليك ساكته وارحلي
بس اسجني
إحساسي بيك واقتلي
كل اللي باقي
في ذكرياتي من الليالي
اللي احنا عشناها سوى

اخترتك ليه

معرفش اخترتك ليه
من وسط الدنيا تكوني
مأساتي وسر عذابي
وانا عارف أنك أنتِ
عمرك ما تكوني حبيبي
ولا حا اقدر أذافع عنك
واصرخ وأقول من حقي
إنسانه بكل مشاعري
حبتها ولقيت فيها
أحلامي اللي اتمنيتها
وبنيت وياها قصور
واخترت بكل إرادتي
تشاركني في حلمي وعلمي
وفي لحظة الحلم ده كان
وهم ولا لهش مكان
يخرج من ضلمه لنور
والذنب أكيد مش ذنبي

ولا ذنبك أنتِ يا عمري
الذنب ده ذنب زمانا
فرقنا بقسوة قلبه
خلاكِ تكوني لغيري
وانا عمري ما أكون غير ليك
ولآخر ساعه في عمري
راح اعيش وياكِ في حلمي
واتمنى العمر يطول
ويعود م الأول تاني
وارسم بإديا عنيكِ
في سمايا الخالية نجوم
اسهر واحكي لها عذابي
وألآمي وحيرتي وحزني
م الحال اللي احنا عليه
معرش اخترتك ليه

شعر الله

بنات الجامعة ياهوو
نسين الدين والسنة
لبسين قال آيه
ع الموضة
اللسق وشارلستون
وحجابنا خلاص اتبدل
ببلوزه وجيبه شيفون
البنات تشاور هاي
وان طلبت خدمه أوم
تلاقها تقول ميغسي
ناسين إن احنا كبرنا
والعربي د بيقى كلامنا
وكفايه العربي يكون
من أسمى لغات الكون
وشبابنا كمان اتغير
والله دي عيشه تحير
بيقول أنا لازم اتفرنج

واتكلم بالخواجاتِ
حالقين قال أیه
دي كابوريا
والتانيه دي تطلع ايه
يقولولنا دي تبقى كاريه
بالذمه ده اسمه كلام
والله ده بيقى حرام
إن احنا ننسى السنه
ونتوه عن شرع الله
دا رسولنا يا ناس اختار
الدين والأخرة وباع
الدنيا وحذر منها
قالنا الدنيا عجوز
في النار ترمينا بإيدها
وتسينا وتاخذ غيرنا
يا صحابي يا أهلي حرام
إن إحنا ننسى السنه
ونتوه عن شرع الله

غِيوم

خلاص معتش
من حقي
أفكر فيك يا قلبي
ما خلاص إحنا انتهينا
من قبل حتى ما نبتدي
خلاص. خلاص معتش من حقي
لكن أكيد الحب في قلوبنا هنا
عايش وحاسس بالجراح المؤلمه
ويقولنا. حرام عليكم تكتبوا
بأيديكم عذابكم
وبالفراق بعد اللقى
تنهوا حياتكم
وكل واحد منكم
يقعد يفكر
في اللي فات
اصرخ وقوله
يا حب لا. لا

لازم تموت
وتسبني أنسى
الذكريات
أنسى الألم
أنسى الآهات
وكفاية علينا جرحنا
ولا عايزنا نفترق
ونتوه أكيد عن
بعضنا
وسط الضباب
وسط السحاب
وسط الغيوم
اهرب يا قلبي منها
أصل خلاص
معتش من حقي

انسىَ الماضي

حب حبيبك
قدم تقدر
وأنسى الذكرى
أنسى الماضي
بكل ما فيه
أيه حا يفيدنا
لو حا نفكر
في اللي بنينا
معاه أحلام
لكن رغم ما كنا
يا دنيا
دايين دوب
في الحب وقولنا
إن البعد دا شيء
مرفوض
فجاه لقينا
قصورنا انهارت

وكل كلامنا دكان أوهام
بعد سنين الحب نادلنا
روحنا جرينا
بسرعه عليه
قلنا حنسى الذكرى
وايدنا
ترسم حاضر
والمستقبل نحلم بيه
وقد ما تقدر
ناخد ندي
حب حقيقي
واللي هجرنا
حنقسى عليه
حب حبيبك
قد م تقدر
وأنسى الذكرى
أنسى الماضي
بكل م فيه

أول لقى

فكره أول لقى
يا حبيبتى كان م بينا
فلتيلي وقتلك
إن أنتِ كل عمري
ومعاكِ حا أعيش
يا عمري
من غير لحظة وداع
وبصدقك وبراتك
حافظتي على الوعود
وانا.. أنا شفت واحده
تانيه عجبني حسنها
قمت نسيت العهود
وخطيت الحدود
ونسيت إنني حاعود
مهزوم وقول سماح
وقلبك اللي أنا
هجرته هيدوني

ويخفف الجراح
مش حا هون عليه
أموت قدام عنيه
وفى ايده الدوى

عاشقه وعاشق

كنت أتمنى تكوني وأكون
عاشقه وعاشق أحلى عيون
كنت أتمنى أعيش وياك
اللي أنا عمري ما عيشته في يوم
كنت أتمنى أنسي معاك
كل عذابي وألمي وهمي
لكن؟

آه. يا خسارة عنيك
باعت قلبي اللي شاريك
قدرة تقسى وتنسى حناني
باعت حبي بسعر رخيص
لكن تاني حقدرا أقولك
يا اللي شغلتي الروح والقلب.
عارف إنك راجعه في يوم
جيه وفرشه دموعك توب
تطلبني مني إني أسامحك
لكن لا. زي زمان

م رخصة في عينك
أنتِ كمان
في عينا رخيصة
عمري ما سامح
واغفر جرحك
حا أقدر أقولك
روحي خلاص
أنا قلبي نساك
كنت أتمنى تكوني
وأكون عاشقه وعاشق
أحلى عيون

سراب

صدقيني عندك أنتِ
مش نهايتي
عندك أنتِ باختصار
أكيد بدايتي
صدقيني الحلم
عمره ما انتهى
أصل الرخيص بالغالي
عمره ما يتشرى
صدقيني منك أنتِ
إبتديت أفسى وابع
إبتديت أعرف كلام
عمري ما عرفته أنا
إبتديت أقول وداع
قبل ما يتم اللقاء
صدقيني . صدقيني
اللي كان من عمري
ليك ما ينحسب

ولا القلم يقدر
يقوله وينكتب
أصل اللي كان
دكان سراب
دكان سحاب
وأهو انتهى
بعد العذاب
صدقيني أنتِ ليل
عمره ما يعرف نهار
وحبي ليك باختصار
كان انتحار
شوفت بعيني
عيونك حايره
عين في الجنة
وعين في النار
صدقيني. صدقيني
عمري ما اندم
على اللي باعت
واشترت واحد خسيس
دايماً رخيص

وحيجي يوم يطلع نهار
وفيه تبان كل الحقائق

صدقيني

حيجي يوم

فيه تندمي

لما تشوفيني

عايش حياتي

من غير ما أفكر

في اللي فات

وتعيشي وحدك

ذكريات

عدت ومرت

من سكات

وساعتها بس

حا تعرفي

مين اللي

يخسر بالفراق

مين ابتدى

مين اللي عايش

في السراب

خليك فاكِره

الصدمة مش مفاجأة
د كانت متوقعه
أنا كنت عامل حسابها
في سنين متأخرة
لكن بسأل وجوبي
ليه بالقسوة دية
ما بينا تكون نهاية
مش كان صبرك عليه
لما أكتبلك بداية
لكن عيشي وها عيش
وحياتي متنتهيش
بسهوله وضعف مني
لا. لا أنا لازم أكون قوي
وأحارب الزمن
وأثبت للدنيا دية
صلابتي وقوتي
يمكن حا أندم شويه

وقاسي من البعاد
لكن خليكِ فاكره
دا لكل شيء ميعاد
مش أي حكاية تبدأ
نهايتها تكون فراق
ودموع وكمان وألم
وتمر الأيام وتدور
والماضي بيصبح ذكرى
ننساها مع الزمن
وحكاية جرحنا
تحكيها العاشقين
في قصصهم بعدنا

حكاية جرحنا

حكاية جرحنا
تبدأ من كام سنه
من وقت ما أبتدينا
نحس ببعضنا
حكاية جرحنا
من وقت م كنا
لسه أطفال صغيرين
وكبرنا حبه. حبه
ويدئنا نزيد محبه
وصارحنا بعضنا بغرنا وعشقنا
ونسينا إن الحبايب
بيخونوا بعضهم
وبيبعوا حبهم
وتكون قصة عذبهم
حكاية ما تتنسي
لو حتى فات مليون سنه
حكاية جرحنا

كانوا العشاق يقولوا
يا ريتنا زيهم
دايين في حبهم
يا رب ضمهم
م تتعب قلبهم
واجمع بالمحبة
يا رب شملهم
دوبهم بالحنين
خليهم مشتاقين
ديما لبعضهم
يجوا العشاق يشوفوا
دلوقتِ بقينا آيه
ويا ريتهم مننا
يخدولهم موعظة
من كتر دمعنا
حكاية جرحنا

جِيالك

كان نفسى أقوم واديا
تحضن باللهفة اديك
وتبوح لك دقات قلبي
بحنيني وشوقي ليك
لكن من زعلى وندمى
فضلت قاعد في مكاني
ومشيتي وعيني تنادى
بتقولي قوم الحقها
جِيالك وانت تسبها
ترجع ودموعها في عينها
قولتها يعيني دموعك
تشهد مين فينا القاسي
مين فينا ابتدى بجراح
مين فينا بيخدع مين
يا حبيبة قلبي يا عمري
أنا عمري ما بعث هواك
الحلم حلمته معاك

ورسمت بأيدي شموع
تضوى وتنور ليك
ونهاية حبي د كله
أنهار في أهات ودموع
من حزني وندمی عليك
كان نفسی أقوم واديا
تحضن بالهفة اديك
إياك يا عيني تقولي
جیالی عشان عشقانی
واشتاقت تبقى معايا
من بعد جفانا كتير
اسكتي يا عیونی حرام
تجافيني وتجری وراها
تترجى هواها يعود
مش ممكن ابدأ ترجع
من بعد ما باعت حبي
في ثواني وهنت عليها
كان نفسي حقيقي تكوني
شیرانی وجیا عشانی
وانا كنت حا سامح واغفر

بحناني وأنسى الأمي
واحضن بعيوني هواها
ونصالح سوى أحلامنا
ونجافي الماضي المر
كان نفسي حقيقي يا عمري
تحضن أشواقي اديك

اتحداك

أتحداكِ. أتحداكِ
قلبي حيقدر يوم ينساكِ
حنسى حنيني وشوقي اليكِ
اتحداكِ. اتحداكِ
عمري ما حا اندم يوم وارجعلك
عمري ما أشوفك واجري عليكِ
عمري ما أقولك جاي ونادم
ما أنا يا حبييتي قلبي نساكِ
اتحداكِ. اتحداكِ
قلبي يا عمري خلاص اتغير
عمري ما اعيش في الماضي متحير
حا أقدر أغير كل حياتي
حا اعيش مع غيرك واقسى عليكِ
اتحداكِ. اتحداكِ
زي ما كنت معاكِ بعيش
حا أبدأ أفكر تاني في غيرك
أخذ منها كل حنانها وتنسيني الشوق لعنيكِ
اتحداكِ. اتحداكِ

اعتذار

اعتذار يا حبيبي مني
سامحيني واقبله
بأيدي بعدت عنك وعشت هناك وسبتك
تقاسي كثير لوحدك
لكن أنا جاي نادم وأقدم اعتذار
على أي غلطه مني
أو أي كلمة قاسيه
اتقالت غصب عني وجرحتك وقتها
يا حبيبي يا كل عمري
أنا جاي أقدم اعتذار
اعتذار واضح صريح
يا اللي عشتي العمر كله
وقلبك انتِ كان جريح
عاش مسلم للقدر
ولا عمره فكر ينتقم
من قلب خان كل الوعود
والنهارده يا عمري راجع
جاي يقدم اعتذار

قبلت التحدي

من النهار ده قبلت التحدي
وبكره تجي لحد عندي
تقول سماح وانسى اللي راح
ونعيش سوى من غير جراح
تلاقي ردي خسرت التحدي
لو كنت تقدر في يوم تفكر
م كنش قلبك بالغدر يقدر
أنا قولتها من وقتها
إن أنت راجع
والحلم منك مفقود وضايع
لكن يا قلبي أنا ردي عندي
من النهار ده قبلت التحدي
يا اللي أنت دائماً معايا تخسر
اسهر وفكر وبكره ترجع
تقول خلاص خسرت التعدي
واقولها تاني وتالت ورابع
قبلت التحدي

ازاي أصلحها

أنا مش عارف ازاي أصلحها
أنا مش عارف ازاي أرضيها
إن حبيت أدعبها بكلمه
بتغيرها وتزعل منها
وارجع أعيش في عذاب وآلام
بس قولولها دا بيقى حرام
نقضي حياتنا فراق وخصام
مش معقوله كلمه نقولها
ونفسرها بغير معناها
ليه يا حبيبي
نزعل أكثر ما بنتصالح
عمر الحب
م كان له معنى قاسي وجارح
قولت أنا كلمه وكنت بقولها
وأنا مش قاصد تزعلي منها
لاء يا حبيبي كنت بقولها
قصدي يا عمري أدعبك بها

قولت الكلمة وأنا مش قاصد
أشوف في عنيك زعل وخصام
قومتي بعدتي روحتي وغبتي
وعشت أنا وحدي في الأوهام
أنا يا حبيبتى عند ما شوفتك
شوفت الدنيا احلوت تاني
ولقيت قلبي واخذني إليك
وأول كلمه حصالحك بيها
كلمة أسف

حتى إن كنت أنا مش غلطان
أيوه أنا أسف
حتى إن كنت أنا مش غلطان
سامحي يا روحي
وعيشي معايا
خلي القلب يعيش فرحان
يلا تعالي غني معايا
أحلي أغاني للعشاق
غني معايا أحلي أغاني للعشاق

أول رسالة

أول رسالة أنا بكتبها
مش عارف يا قلبي أكملها
أكتب فيها ايه ووصف بأيه
إحساسي بيها ويوصلها
أكتب يا قلبي بحبها
ومنايا أوصل قلبها
وتكون حبيبتى لوحدها
ما أنا قولتها وكتبتها
وبعت قلبي يروحلها
يوصفلها إحساسي بيها ويقولها
بحبها. بحبها
أنا كل شوقي ونبضي في عروقي
بيحنوا ليها ويقولوا أكتب
أكتب جواب من غير عتاب
وحس بيها وتحس بيك
بلاش بخوفك تضيع وحبك ينتهي

حصارحه

حصارحه بمشاعري ليه
ووصف إحساسي بيه
من أول مره شوفته
ودق قلبي ليه
أنا شوفت الحب معاه
والروح والعين عشقاه
مخلاص اليوم حصارحه
وأول ما حشوفه حقوله
حبيت الحب فيك
يا ساحرني ومالك قلبي
دوبت الروح في هواك
يا ريت يا قلبي تهمس
لو حتى كلمه واحده
وتقول إنك عشقته
من أول مره شوفته
مخلاص اليوم حصارحه
بكل شوقي ليه

نفسی آشوفها

نفسی آشوفها یا قلبی ثوانی
نفسی أعیش أفرحی من تانی
نفسی أسألها أیه غیرنا
أیه خلانا تتوه أمانینا
أیه قسانا علی بعضینا
أیه خلانا ننهی حیاتنا
بعد ما عیشنا بشوق وغرام
نفسی آشوفها
نفسی أسألها یا قلبی سؤال
نفسی أسألها
أیه خلاها تروح ما تجیش
أیه نساها یا قلبی معادی
بعد ما کانت کدا وعدانی
إنی آشوفها یا قلبی یوماتی
لکن آه یا خساره یا قلبی
قدرة تقسی وتنسی معادی
قدرة تهجر لیه وتبیع

بس يا قلبي حقولها كثير
هي حبيتي وقلبي حبيها
وعمري في يوم ما أقدر أنساها
حرجع تاني أقولها أكيد
نفسى أشوفها حتى ثواني

مش يادينا

آه. آه. يا دنيا يا قاسيه وجرحه
يا اللي سرقتي مني الفرحه
اخدتني حبيبتني
وسيباني وحدي اعيش مع مين
آه. آه. بعنيا شايفها رايعه لغيري
بس يا قلبي ح تعمل أيه
مش يادينا تكون سعادتنا
ولا يادينا تكون نهايتنا
آه. آه. كل ماشوفها يا دنيا أتألم
أنا ما اقدرش يا قلبي اتكلم
بس دموعي ع الخدين
آه. آه. ليه يا زمان دايماً كذاب
ليه أنا قلبي يعيش ف عذاب
بعد حبيبتني م راحت مني
قدام عيني وعين الناس

هجر ولوعه

بعد ما قولت إن أنا حبيتك
راجع أقولك تاني يا ريتك
بوحتي لقلبي بكل ماضيك
وانا يا حبييتي كنت حسامح
أنا يا حبييتي أقدر أقولك
قلبي ف لحظه يا عمري نساك
أيوه نساك م أنا م اقدرش
أمن قلب يقدر يضحك ع الأحباب
روحي وشوفي فين ح تلاقي
قلب يحبك زي أنا قلبي م كان بيحبك
أنا راح أفكر ازاي ح قدر
أنسي حنيني اللي ماليني
يا اللي عيونك أجمل حاجه شوفتها بعيني
بسأل قلبك وانا بتمنى تجوبي سؤالي
بتحبيني طيب ليه هونت وخوننتي
عيشي حياتك يلا لوحذك
وانا مش ح نسي اي قسيه

عاشها القلب في حبك إنتي
يا اللي هواك هجر ولوعه
فاكره إن أنا مش حقدر أنسى
لا يا حبييتي .. حقدر أنسى وحقدر أقسى
وبكره تشوفي أنا ولا أنتي
مين راح فينا ف لحظة ح يخسر
مين حينام والثاني ح يسهر
مين حيعيش والثاني حيندم
يمكن اندم .. لا يا حبييتي
عمري ما هندم على إنسانه
جات وقالتي بحبك انت
وبعد الحب تكون كدابه

بخاف تهجرني

انت اللي بحبه وبتمناه
بخاف تهجرني
ف مره يا عمري وتنساني
أيوه بحبك. بعشق قلبك
وبقلبي وروحي أنا بشتاقلك
وبقوله يا حبيبي تعالى
وبلاش الغيرة تنسينا
أيامنا الحلوة وليالينا
أنا عمري يا عمري م ح تمنى
غير قلبك انت وبستنى
جواب او كلمة تطمني
على قلبك انت اللي وحشني
يا نسيني وناسي الأشواق
معقوله دا حال العشاق
تهجر اكثر مبتشتاق
وبقسوتهم يبقى مكان القرب فراق
لا يا حبيبي. عمري م أفكر ولا اتصور

إنك تقدر تبعد عني وتنساني
يا اللي حنينك ساكن قلبي
حبك مالي كل كياني
أنا عمري م شوفت قلب يدق
وقت م يلح مره حبيبو
زي أنا قلبي م لك بيدق
وبعد دا كلها راجع تاني
بعد الفرقه يا قلبي تلومني
أنا يا حبيبي عايشه وخايفه
تسمح مره للعزال
بيعدوا بينا وتفرقنا عن بعضينا
أيوه يا عمري بخاف تهجرني
بعد أنا قلبي م حبك انت
وعاش يتمنى يكون وياك

نظراتي

نظراتي ليك كشفاني
يا حبيبيتي يا ساكنه وجداني
عنيه عشقك وقلبي بيهواك
وان كنتي حساني وعيونك عشقاني
بتغيبي عني ليه
قصدا بالبعد ايه
يا حبيبيتي صارحيني
قوليلي إن انتي يمكن
ف لحظه بتشتاقيلي
وبلاش اعيش في وحده
وتعيشي إنتي في عذاب
وتكون كلمة نهايه تفرق الأحباب
يا حبيبيتي أنا قلبي عاشق ومسلم للقدر
عاشق أجمل عيون وارق من القمر
وكلامي بتغني عنه نظره ليك بعيوني

متلومنيش

أنا يا حبيتي ساكت لكن
حبك جوه في قلبي وساكن
عاش بيكي وعاش ليكي
وكل مشاعري عاشقه عنيك
بس ازاي يا حبيتي أفكر
إن بكل آمالي راح أقدر
أقرب منك واسكن قلبك
ولا اختاره يكون عنواني
يمكن اكون حبيتك أه
لكن أقرب منك لا
إنتي يا عمري عارفه حقيقتي
عارفه إن انتي وبس حبيتي
وأجمل حب أنا عشت معاه
بس قوليلي أنا اعمل أيه.
أنا يا حبيتي ساكت لكن
لازم يجي اليوم واتكلم
قدام كل الناس وأحكيلهم

علشان أجمل حب يعيش.
يمكن اكون غلطان بسكاتي
بس رجائي.. متلومنيش

غيرت رأيك ليه

غيرت رأيك ليه
ويتبعد تاني ليه
م خلاص احنا ابتدينا
نحس ببعضنا
ونقول كل الكلام
ونريح قلبنا
قرب يا حبيبي مني
ويايدك ضممني
ولا مره ف يوم تسبني
للحيرة والآلام
او مره تقول خلاص
مني راح الكلام
يا حبيبي تعالى قولني
زعلان من ايه وليه
غيرت رأيك ليه

أنا حاسس

أنا حاسس أنا شايف
أشواقها ف عنيتها
وان قولت ابعده ولا اهرب
يدق قلبي ويناديها
يا قلبي قرب منها
اوعى في يوم تسبها
هي يا قلبي حبيبتك
وانت يا قلبي نصيبها
أنا حاسس أنا شايف
أشواقها ف عنيتها
فكرة يا قلبي كتير
ف الشوق ليه هو اثير
دايماً يبعده لبعيد
ويعيش العمر وحيد
ولقيت الرد صعب
على قلب عاش يحب
ومسلم للسكات

خايف

خايف مره اتكلم خايف مره أحب
خايف أغرق خايف أسلم للمجهول
خايف وأنتي حاسه أشواقني وحبني ليكي
بحبك وأنتي عارفه من نظرة عيوني
خايف. خايف.

خايف ليه يا حبيبي ما أنا شوقي كله ليك
وكل دقة في قلبي بتنده عليك
بتقولك تعالى متخافش من الملام
تعالى قولني كلمه من أحلي الكلام
تعالى وقول بحبك وتفرح مشاعري
ومعاك اعيش يا عمري وبيك يتهنى قلبي
يا حبيبي تعالى قول..

يا حبيبي قولتها وليكي كتبتها
ويا دنيا اشهدي على عشقي لقلبها
وحنيني ونبض قلبي وهمسه باسمها
يا خوف ابعده وروح وخذ كل الجروح
ومعاها اعيش وهي معايا كمان تعيش
وتكون قصة حياتنا حكاية م تنتهيش

غلطة حياتي

غلطة حياتي غلطها
وقت أما روحت أقولها
أنا قلبي عاشق سحرها
وكنت فإكر ردها كلمة حتجمع شملنا
والفرحة تملئ قلبنا
لكن خساره على العيون
اللي في ساعات تعرف تخون
والغدر يبقئ ردها
غلطة حياتي غلطها
ح عيش حياتي بالجراح
يمكن ف يوم أنسى اللي راح
وبأيدي اجرح قلبها وتعيش وحيدة في الزمن
وفي بعدي تدفع التمن
غلطة حياتي أنا منسهاش والجرح لسه منتهاش
هي اللي خانت وانا
في يوم يا ناس م خونتها
غلطة حياتي غلطها

أيه العمل

حبيتي قدام عنيا
بضيع بسكاتي مني
وانا ساكت مش بأيدي
أنا ساكت غضب عنيا
وان ضاع مني الأمل
حيكون أيه العمل
بصرخ واقول حرام
يضيع كل الغرام
همشي واروح لأبوها اطلب يدها
وإن كان أبوها رافض
حيكون ايه العمل
جوبوني حرام عليكم
بموت قدام عنيكم
قولولي اعمل ايه
وازاي أخذ حبيتي
وما سبش حبها يضيع من غير تمن

حب جديد

عدوا يومين والحلوه بعيد
عائشه وسايه القلب وحيد
يمكن ناسيه؟
يمكن عائشه في حب جديد
يلا يا قلبي بسرعه أسألها
ع اللي منعها بقالها يومين
يمكن هان الحب عليها
ولا الشوق مبقاش في عنيتها
روح كلمها وطمن قلبي
لو كانت حاسه لسه بحبي
وان كانت ناسيه يا قلبي إنساها
عيش مع غيرها وانسى هواها
ابدأ تاني ف حب جديد
ليه ح تعيش العمر وحيد
اوعى يا قلبي تعيش وحداني
حاسب اوعى بيعلك تاني
قلبه أتعلم يبقى أناني

وانا من هجره خلاص ح تعلم
عمري مرّحله ف يوم أتألم
قلبي خلاص بيحب جديد

كل شيء اتغير

كل شيء اتغير والقلب خلاص اتحير
الشوق كان في العيون
قالوا العزال حيهون
ردينا وقولنا لا.. ميهونش يوم عندنا
دا احنا يا ناس عايشين أجمل سنين عمرنا
اختار القلب قلبه وشوقي راح لعنده
وقلبه هو اختار
قلبي يكون حبيبه لنهاية المشوار
وكل شيء اتغير
متقولوا ايه غيروا وخلا قلبه خان
قلبي اللي كان حبيبه
وخان كل الحنان
معقوله يكون نسيني
وحبي عنده هان
ويعيش يا ناس ويسبني
اعيش أنا متحير
اهو كل شيء اتغير

روح إنساني

يا اللي نسيت القلب ليالي
راجع تسال ليه عن حالي
راجع تعرف قلبي نسيك
ولا يا قلبي بفكر فيك
طمن قلبك أنت وعيش
خلي الهجر يروح ميجيش
وارجع أقولك عايز تنسى
روح إنساني بس إياك ترجع من تاني
تطلب مني في مره أسامحك
ولا تقولي اغفر لك جرحك
لا يا حبيبي زي م تنسى
قلبي ح ينسى الشوق واللهفة
ح قدر اعيش من غيرك واقسى
على أحلامي وعلى أيامي الحلوه معاك
وارجع أقولك طمن قلبك
لو كان فاكر لسه حناني
يا اللي نسيت القلب ليالي

رجعنا أوام

مش عارف ليه متعذب
مش عارف ليه محتار
مش قادر تاني أفكر
ولا عارف يوم اختار
وف لحظة يا دنيا لقيتني
بصرخ وبقولها يا ريتني
ارجع م الأول تاني
طفل ف وسط الأطفال
ارجع بينا يا زمان رجعنا نعيش أيام
أصغر من أي عذاب
ولا نعرف فيها آلام
رجعنا أوام وحياتك
رجعنا نعيش أيام
مفروضة علينا نعيشها
من غير م نفكر فيها
أو يوم نحسب خطاويننا
رجعنا أوام يا زمان

من غير وداع

أنا خلاص يا حبيبي همشي
وأسبلك إنتي الاختيار
حبعد بعيد واعيش وحيد
إن كان دا هو الاختيار
وباختصار

يا حبيبي عيشي ميهمكيش
إن كنت عايش ولا انتهيت
ما إنتي يا عمري بإديك بعتي
وكان لك إنتي الاختيار
وباختصار

حبعد بعيد واعيش وحيد
وابدأ حياتي أنا من جديد
من غير عذاب من غير أهات
من غير وداع
وكفايه كل اللي مني ضاع

دي النهاية

يا حبيتي دي النهاية
لازم ننهيا سوى
الفراق بينك وبينى
والجراح م لهاش دوا
بإديك إنتي يا حبيتي
بعتي أكثر مشترتي
كنت دايماً نفسي تبقي
بين إديا مش لغيري
كنت بحلم حلمي ليك
كنت بالروح مشترك
وأنتي بعتي وهان عليك
كل أحلامنا وهوانا
يا حبيتي دي النهاية
وأنتي بإديك اكتبيها

نفسى تكونى

ياما زمان كان نفسى تكونى
أحلى بنات الكون ف عيونى
ياما حلمت نكون أنا وانتِ
أحلى اتنين ف الهوى دايبين
بس خساره الحلم دا كان
صعب يعيشوا يا ناس إنسان
أصل الدنيا دايماً توعد بالحرمان
انتِ يا عمري بعتي وخونتي
وهجرتني بكل حنيني
وسبتي الحلم يضيع ببلاش
أنا يا حبيبتى عايش لسه أفكر فيك
ويقول يمكن توفي الدنيا بوعد حقيقي
وترجع لي حبيبتى ف ثانيه
وتكون ليا واكون أنا ليها
بعد م عشت ف دنيا وهي
عاشت دنيا بعيده عليا

هاجرني

هاجرني وجاي يلومني بنظرة من عنيه
فاكر حرجعله تاني وأسلم قلبي ليه
ناسي أني كنت دائماً
محتاجه كلمه منه ونظرة من عنيه
هاجرني وجاي يلومني بنظرة من عنيه
يا عنيه قوليلوا بيعد
بيعد خلاص نسيته ونسيت كل اللي كان
نسيت الهجر منه نسيت كل الحنان
مش عايزه حاجه تانيه تفكر قلبي بيه
يا اللي انت بعدت عني وانا كنت ف حاجه ليك
راجع تلومني ليه وتطلب مني أسامحك
معقوله. معقوله يا ناس أسامحه
وف لحظه أنسي جرحه وارجع أأمنله تاني
بعد م ف لحظه باعني وهجرني كمان وسابني
اعيش في الدنيا وحدي
لا. لا. لا. لا
أنا عمري ف يوم م امان لقلب ف طبعه غدر

وقربه زي بعده اهو كله اسمه هجر
خلاص يا قلبي سييوا
مش عايزه خلاص أشوفه ولا أفكر تاني فيه
هاجرني وجاي يلومني بنظرة من عنيه

علشان تعرف

راجع تاني أفكر فيها
بعد ما قولت لقلبي نسيته
راجع تاني احن إليها
بعد ما قولت حعيش مع غيرها
قولت نسيته أبوه نسيته
رد القلب عليا وقال
أول مره تكون كداب
عمرك مره ف يوم منسيته
ولا راح تقدر يوم تنساها
دا انت يا صاحبي عايش ف عذاب
ازاي تقدر تنسى حبيبتك
سر حياتك ف الدنيا دي
لاءه يا صاحبي
إياك تاني تقولي نسيته
أو راح تقدر يوم تنساها
انت يا صاحبي عايش ليها
وكل حياتك ملك اديها

دايماً سارح فيها تفكر
يلا يا صاحبي قول متخافش
سرك جوه م بين دقاتي
عمري م هفتن غير لعنيها
علشان تعرف
إنك عمرك يوم م نسيتهها
ولا راح تقدر يوم تنساها

دخان سيجاره

دخان سيجاره خطير لعين
تعب عيوننا تعب قلوبنا
تعب جيوبنا وأيه غصبنا عليه يا عين
دخان سيجاره خطير لعين
أدينا عايشين مش عارفين
في الدنيا أيه يا ناس حنعمل
والوقت دا في ايه حنشغل
روحنا وجرينا جبنا السيجارة
قولنا أكيد دية شطارة
دخان سيجاره
يا صاحبي لا
بلاش تكون عاشق وأعمى
وترمي روحك ليه في الهلاك
عمر السيجارة م كانت شطارة
دي غمه يا ابني ابعده وسيبها
وعن طريقها ابعده بعيد
ابدأ حياتك تاني من جديد

من غيرها تبقى راجل وصاحي
ادعي معايا وقول أمين
لبعدي عنها يا رب عين
دخان سيجاره خطير لعين
قطران نيكوتين
تركيبة شيطان ملعون رجيم
ادعوا وقولوا ابعدي يا رب عنا الشيطان
واكفينا شره وشر الدخان

آن الأوان

ازاي وكانت العراق دولة العروبة ف دمها
لما راحت ع الكويت قومنا عليها كلنا
نضرب رصاص نرمي قنابل لما حططنا شعبها
قولنا حرام تضيغي عليها ارجعي عنها ابعدى
سيبي الشعوب تحيا ف سلام من غير الآم
بس دا كان جنان سبنا الغريب يعمل حبيب
وبذكاء يزرع جذوره ف وسطنا
شوفوا النهارده. لا دا من زمان قولوا كام سنه
لما إسرائيل دخلت علينا أخذت أراضي مننا
زرعت علمها ف وسطنا وقالت دا يبقى حقنا
صرخنا. قولنا بصوتنا لا لا لا
الأرض تبقى ارضنا قوموا أنقذونا يا عرب
كل الجيران قالوا نحارب بس لينا يا مصر شرط
قولنا خلاص جانا الفرج
سوريا قالت ح اضرب معاكم وانتوا كمان راح تضربوا
لما الجولان ترجع لحضن أمها
والجنوب الحلو تعلا فيه اغاني الانتصار

قولنا أكيد مفيش أمامنا يا ناس فرار
لكن خسارة ع الوعود راحت خلاص عند الحدود
نفسى اعرف لحد أمتى راح نفضل ضعاف
وبدون م نشعر قامت اليهود داخله علينا بقوه غاشمه
تضرب يمين تضرب شمال
م هي خلاص شافت العرب دائماً بعيد عن بعضهم
لكن حاربنا وف النهاية قدرنا ناخذ أرضنا
غصب عن كل اليهود
كان عليها الدرس قاسي
صرخت بصوتها العالي قالت لأمها
يا أمه حرام أرجع حزينة كداح يعبنا كلنا
شوفيلي حل يرد هيتي وقولي بس ادخل منين
قاتلتها على الحدود أرض ضعيفة اسمها
القدس فيها ادخلي يلا اسكني
وإياك تاني تخرجي من أرض فيها تستوطني
روحي اهدمي كل المنازل والمساجد احرقني
قطعي غصن الزيتون بكل قوة وبجنون
اقتلي الطفل الرضيع بشدة جامده مفيش سماح
ودوري إني أمدكم دائماً يا روعي بالسلاح
إياكم تاني ترجعوا والهزيمة في وشكم

يا سلام شوفوا الكلام اللي كان من زمان مش م النهارده
واحنا نقعد والدموع ف عيوننا شارده
ايه غصبنا يا عرب
نشوف أخونا بيتقتل بإيد الصهاينة الأمريكان
مش يمكن يكون آن الأوان
نصرخ نقول يا ناس حرام
كل اللي كان ف العراق والشيشان
ولا دول كانوا يهود ميهموناش
يمكن يكون فعلاً كدا ما الآية خلاص اتبدلت
سبينا اليهودي يقتل أخونا واحنا كمان عليه ندوس
عشان تكون أمريكا راضيه
واحنا يا ناس نطوي الآمنا وجرحنا
دا إن كان يا عرب من حقنا
ولا بقيلنا في قلبنا إحساس نحس ببعضنا
او حتى نصرخ ونقول كلام لو حتى كلمة لاء حرام
قتل الولد ف حضن أبوه قدام عيون كل البشر
كان اسمه محمد والحلم كان في عيونه بيتكلم
بيقول يا ناس نفسي اكون صاحب عزيمة في البلد
نفسى اعيش وأشوف يا بويه بلدي الحبيبة حره
لكن رصاص الكلب صابه

خلاه يكون راقد قتيل غرقان ف دمه
من غير م يرحم دمعته ولا ابتسامته الطاهرة البريئة
يلا أوام يا عرب مدوا الأيادي لبعضكم
شوفوا دواكم من الطاعون اللي ح يوصل
من غير تعب واحده واحده لقلبيكم
يلا نقول آن الأوان نعلن تحدي الأمريكان
يا محمد الدرة يا نور كل العيون
دلوقت بس أقدر أقول نام في القبر واتهنى
آن الأوان ناخذ بحقك م اليهود المجرمين
ولا عمرنا ننسى ف يو ونتخلى
عن حق راح من بين ايدينا بالقوة
يا محمد خلاص
آن الأوان للعرب تقدر تقول للظلم لا
أصل دم الشهيد زاد
وكل واحد دمه الشريف يبصرخ ع الرمال
بيقول حرام أنقذونا من الطغاة ارحمونا من البغال
يا سلام ع الكلام لما أرواح الشهيد ترخص للوطن
والحجارة ف لحظه تبقى أقوى من كل المدافع
وكل طفل من العيال يمشي وايده بيها رافع
قطعة قماش بيضه شريفه قبل م تدوسها الأعادي

قصدي يعني كل طفل ف ايده علم
أيوه طبعا علم بلاده بيرفعه
على كل شبر من تراب ارض الوطن
شوفوا يا ناس القدس دية من سنين وهي حبيبة ربنا
عملها مسرى للرسول عشان كل شعوب المسلمين
صادقه وجاده في حبها
يا محمد خلاص كل الشعوب اتوحدوا
قاموا يقولوا كلهم
قدسانا حره وأسالوا كل الرمال
أنقذوها يا عرب من تحت أقدام البغال
دنسوها بالخطيئة خربوها بالقتال
ابتدوا بالقتل فيها بمحمد وامثال
حطموا فيها المنازل لم يعد فيها جمال
اصغوا لي يا عرب لم يعد وقت الجدل
إن كان في الضعف حلاً انتهينا لا محال
وحدوا كل الصفوف بالعزيمة للقتال
أعلنوها لا تخافوا كونوا أقوى من الجبال
قيدوا كل اليهود بالسلاسل والحبال
اقتلوهم لا تخافوا هل مضى عصر الرجال
قدسانا حره وأسالوا كل الرمال

وداعاً للسلام

يا مسلمين العرب بالذمة دا اسمه كلام
لما اليهود تنتصر على القدس والإسلام
فين اتفاق أمريكا ولا دا كان أوهام
يا مسلمين انهضوا
قوموا وسبكوا من الأحلام
راح اللي راح وانقضى وداع بقى يا سلام
يا مسلمين يا عرب مين اللي قال إننا
عجزه ومش قادرين
نحمي تراث ارضنا في القدس وفلسطين
اشهد يا زمان إننا بإيدنا مش بادين
هما بإيدهم بدوا واحنا اهو وقفين
بحجارة رمي وجههم
ومن رصاصهم مش خايفين
قتلوا كثير مننا بسلاحهم الخائنين
قتلوا محمد الدرة وساره وغيرهم وفين العرب فين
يخدوا يا ناس حقهم
ويحرروا القدس وفلسطين

من ايد الصهاينة الأمريكان
اللي زرعين بضايح للعرب م الكوكا كولا للبان
يلا نقاطع كلنا كل البضايح ونخطي خطوه للأمام
ونقول بصوت تسمعه كل الصهاينة وداع بئا يا سلام

بسم الله الرحمن الرحيم

فهرس

- ٦ من بعد غياب
- ٩ إحساس غريب
- ١٣ بنسك
- ١٦ احميني
- ١٨ كلمة أسف
- ٢١ حته مني
- ٢٣ يا ضمير العالم
- ٢٦ بحس بيك
- ٢٩ اخترتك
- ٣٣ خايف أضيع
- ٣٥ لحظة غيرة
- ٣٧ اسكتني
- ٣٨ ربح قلبك
- ٤٠ ده كتير
- ٤١ ادعيلي
- ٤٢ مش بنكر
- ٤٤ نفس الحكاية
- ٤٦ من غير سلام

٤٨	يسلم علامك
٥٠	محتاج لعيونك
٥٢	شوفتها
٥٤	مش حصدق
٥٦	مستقبل حياتي
٥٨	كان لازم أعرف
٦٠	الله يسامحك
٦٣	السلف الصالح
٦٦	من حقها
٦٨	أمي حبيبي
٧١	ألف رحمه
٧٦	حبييع
٧٨	وانا ماشي
٧٩	لسه بجبك
٨١	مش ندمان
٨٣	كان ليه
٨٥	انت غلطة
٨٧	اخترتك ليه
٨٩	شرع الله
٩١	غيوم
٩٣	انسى الماضي

٩٥	أول لقى
٩٧	عاشقه وعاشق
٩٩	سراب
١٠٢	خليك فاكهه
١٠٤	حكاية جرحنا
١٠٦	جبالك
١٠٩	اتحداك
١١٠	اعتذار
١١١	قبلت التحدي
١١٢	ازاي أصلحها
١١٤	أول رسالة
١١٥	حصارحه
١١٦	نفسى أشوفها
١١٨	مش بإدينا
١١٩	هجر ولوعه
١٢١	بخاف تهجرني
١٢٣	نظراتي
١٢٤	متلومنيش
١٢٦	غيرت رأيك ليه
١٢٧	أنا حاسس
١٢٨	خايف

- ١٢٩..... غلطة حياتي
- ١٣٠..... أليه العمل
- ١٣١..... حب جديد
- ١٣٣..... كل شيء اتغير
- ١٣٤..... روح إنساني
- ١٣٥..... رجعنا أوام
- ١٣٦..... من غير وداع
- ١٣٧..... دي النهاية
- ١٣٨..... نفسي تكويني
- ١٣٩..... هاجرني
- ١٤١..... علشان تعرف
- ١٤٣..... دخان سيجاره
- ١٤٥..... آن الأوان
- ١٥٠..... وداعاً للسلام

عن الدار ومشروع النشر الحر

دار لوتس للنشر الحر هي أول دار نشر حرة يملكها كل كاتب، تعتمد مبدأ النشر الحر من خلال مشروع طموح يهدف إلى تحطيم عقبات النشر ومساعدة الكاتب للنشر بطريقة تمنحه الحرية الكاملة وكل الحقوق والصلاحيات للتعامل مع كتابه دون استغلاله مادياً أو معنوياً، ودون احتكار لمجهوده الفكري في عملية تجارية، وبدون تكلفة مالية.

هي مشروع خدمي وليس تجاري، تدعم الكاتب الموهوب وتسانده، تحاول الارتقاء بمستوى الأدب وتهدف إلى احترام الكاتب والقارئ من خلال نشر كل ما هو جيد دون الإساءة لشخص، أو أشخاص، أو مؤسسات، أو أفكار، أو عقائد، أو ديانات، أو أنظمة سياسية.

إصدارات الدار

مجموعة مؤلفين	خواطر	قلم عطر
راضية موحوس	رواية	وعادت ربما
أسماء إبراهيم	خواطر	مثل ليلة حب
زهرة العدوي	خواطر	وكأني أحبك
هاني النجار	أدب ساخر	عالم قراطيس قراطيس
مجموعة مؤلفين	خواطر	أوتار
نسمة أبو النصر	رواية	دماء على ثوب أبيض
حاتم سلامة	فكر	كوني أمماً عظيمة
محمد جمال	رواية	أموات فوق الأرض
أمنه محمد قناش	خواطر	بقلم رصاص
هاني النجار	رواية	حريق على الجسر
بسام سامي	تنمية ذاتية	القدرات السحرية
أحمد شاكر	فكر	العالم لن ينتظرك
هنادي العبودي	خواطر	عندما ينتحب الياسمين
مجموعة مؤلفين	خواطر	مرايا
أحمد رشدي	مجموعة قصصية	البوهيمي
عبد الجواد السيوطي	فكر	أيها الشباب لا تفقدوا الأمل
حاتم سلامة	فكر	التشجيع يصنع المعجزات
صفا عبد الصبور	رواية	خريف مريم
محمد باهي	خواطر	حلم صريع
غادة مايز	خواطر	مُتتيم
على عمر خالد	أدب ساخر	يوميات رجل محسود
زهرة العدوي	خواطر	هدوء ما قبل الانفجار
نادية بن الشيخ	رواية	الموؤودة
نادية طاهر	فكر	أنين المساجد

محمد ربيع العاني	شعر	صوت السماء
عبد الفتاح عطا	أدب ساخر	طبق كشري
صفا غنيم	رواية	وأحببتك بعين قلبي
عبد الجواد السيوطي	فكر	ما لا تعرفه عن الهجرة
مصطفى عبد العظيم	رواية	الأيام الأخيرة
مروج حسين	شعر	موانئ الرغبة
محمد جابر	رواية	١٠٣
رحاب عصمت الزيلعي	شعر عامية	زمن الحنين
حسام الدين ريشو	مجموعة قصصية	أوراق على دفتر الحنين
حمادة هيكل	مجموعة قصصية	أحببتُ شبحاً
طاهر عبد الرحمن	تاريخ	حكايات من التاريخ
تامر عوض صالح	فكر	كلمات ربي (ج ١)
محمد محسن	شعر	وشم على كتف الحياة
محمد الحريري	رواية	كيتو ياكيفو
بتول عبد القادر	رواية	يتيمة بأبوين
محمد صبحي	رواية	مائة عام على كوكب الأرض
رانيه عيسى	رواية	نبوءة عاشق
نجوى إبراهيم	رواية	رصيف نمرة ٢
هشام الحمراوي	رواية	قمر الدم
نورا صبحي	خواطر	حنين الحنين
أسماء إبراهيم	رواية	نساء وقيود
هاني النجار	فكر	الذين أخفوا الشمس
رانيه عيسى	مجموعة قصصية	الآهات المكبوتة
هبة عبد المنعم	رواية	عن الذي استدان ليشترى
		الشقاء
محمود أبو زيد	شعر	كتبْتُ أحبك
مجموعة مؤلفين	مجموعة قصصية	فلاكا
منى العطار	خواطر	الآدم وهي

سعيد الشودفي	رواية	أحلام فجر
رحاب العيسوي	علوم	مفاهيم إدارية لثالث ألفية
إيهاب سالم	شعر عامية	عاشق الضي
مجموعة مؤلفين	مجموعة قصصية	أنامل قصصية
عبد الفتاح عطا الله	رواية	الضال
ماهر عطوه	طرائف وحكم	ماهر وسماهر وبئر النسيان
عبير عيد سليمان	رواية	مملكة روح
سيد مصطفى علي	رواية قصيرة	خليج بلا وافدين
وسام عبده	شعر عامية	في ليلة شتا
أحمد أبو النجا	رواية	الشيطانة وعصا الجحيم
داليا الشنتناوي	رواية قصيرة	أنين وردة
سعيد الشودفي	خواطر	لا تتعجلي الرحيل
محمد الشحات	مجموعة قصصية	بدون
وليد العجمي	مقالات	من الأكاديمية إلى الفيلا
حسام قنديل	رواية	تفاعل متسلسل
أسامة نصر الدين	رواية	بردية رع (ذهاب وعودة)
عبد السلام المساتي	رواية	كاتب ونساء وعبث
أميرة طارق	رواية	جيهينا
جابر خمذن	رواية	مذكرات خادمة من مونار
تهاني هدهد	رواية	بعيداً عن العالم
هشام الحمراوي	رواية	قمر الدم (العودة)
نسيبة الرحيلي	فكر	سئمت الغربة



جميع الحقوق محفوظة

رقم الإيداع

2018MO5913

الترقيم الدولي

978-9920-790-71-0